



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), Zaključka o popunjavanju pozicije članova Skupštine Javnog preduzeća za upravljanje i održavanje objekata u vlasništvu Općine novo sarajevo „ONSA“ d.o.o. Sarajevo („Službene novine Kantona Sarajevo“ broj: 7/26), člana 11. Odluke o osnivanju Javnog preduzeća za upravljanje i održavanje objekata u vlasništvu Općine Novo Sarajevo („Službene novine Kantona Sarajevo“ broj: 11/16, 19/22, 8/23, 47/23), člana 16., 17. i 18. Statuta Javnog preduzeća za upravljanje i održavanje objekata u vlasništvu Općine Novo Sarajevo „ONSA“ d.o.o. Sarajevo („Službene novine Kantona Sarajevo“ broj: 34/23 i 46/24) i Zaključka o utvrđivanju standarda i kriterija za izbor i imenovanje na upražnjene pozicije predsjednika i članova Skupštine JP "ONSA" d.o.o. Sarajevo broj: 16-30-2-2978/26 od 31.03.2026. godine, Općinska načelnica objavljuje

PONIŠTAVA SE
JAVNI OGLAS
za popunu upražnjenih pozicija
članova Skupštine JP "ONSA" d.o.o. Sarajevo

PONIŠTAVA se Javni oglas za popunu upražnjenih pozicija članova Skupštine JP "ONSA" d.o.o. Sarajevo, objavljen na web stranici Općine Novo Sarajevo i oglasnoj ploči Općine Novo Sarajevo 09.04.2026. godine, u dnevnim novinama „Oslobođenje“ 10.04.2026. godine, te u „Službenim novinama FBiH“, oglasni dio - broj 28/26 dana 15.04.2026. godine, a u skladu sa Izvještajem sa preporukama Komisije za provođenje postupka po Javnom oglasu za popunu upražnjenih pozicija članova Skupštine JP „ONSA“ d.o.o. Sarajevo, te se

PONOVO OBJAVLJUJE
JAVNI OGLAS
za popunu upražnjenih pozicija
članova Skupštine Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo

I Predmet Javnog oglasa

Objavljuje se Javni oglas za popunu upražnjenih pozicija članova Skupštine Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo.

Oglašavaju se sljedeće pozicije:

SKUPŠTINA

Član Skupštine 3 člana

II Opis poslova

Skupština donosi odluke o sljedećem:

- a) Statutu Preduzeća i njegovim izmjenama i dopunama,
- b) Planu poslovanja, investiranja, odnosno revidiranom planu poslovanja u skladu sa članom 23. Zakona o javnim preduzećima u Federaciji Bosne i Hercegovine,
- c) Poslovniku o radu Skupštine
- d) Etičkom kodeksu na prijedlog Nadzornog odbora,
- e) biranju predsjednika Skupštine na prvoj konstituirajućoj sjednici koja se saziva u roku od 15 dana od dana imenovanja
- f) Godišnjem obračunu, raspodjeli godišnje dobiti i pokriću gubitka,
- g) povećanju i smanjenju osnovnog kapitala,
- h) spajanju sa drugim društvima i pripajanju drugih društava,
- i) promjeni oblika i podjeli Preduzeća,

- j) prestanku Preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
- k) izboru i razrješenju članova Nadzornog odbora pojedinačno,
- l) izboru i razrješenju članova Odbora za reviziju pojedinačno,
- m) naknadama predsjedniku i članovima Skupštine, Nadzornog odbora i Odbora za reviziju,
- n) drugim pitanjima bitnim za poslovanje Preduzeća u skladu sa zakonom i Statutom Preduzeća,
- o) usvajanju godišnjeg izvještaja Preduzeća, koji uključuje finansijski izvještaj i izvještaje revizora, Nadzornog odbora i Odbora za reviziju,
- p) o osnivanju, reorganizaciji i likvidaciji Preduzeća i odobravanju njihovih statuta,
- q) o osnivanju ili kupovini novih društava,
- r) odobravanju Plana poslovanja odnosno odobravanju revidiranog Plana poslovanja,
- s) o ostvarivanju zahtjeva Preduzeća prema članovima Uprave i Nadzornog odbora u vezi sa naknadom štete nastale pri osnivanju, kupovini ili vođenju poslovanja Preduzeća,
- t) o zastupanju Preduzeća u sudskim postupcima koji se vode protiv članova Uprave Preduzeća ili eventualnim postupcima protiv članova drugih organa Preduzeća,
- u) o drugim pitanjima bitnim za poslovanje Preduzeća u skladu sa zakonom i Statutom Preduzeća.

III Uslovi za izbor i imenovanje na pozicije predsjednika i članova Skupštine

Kandidati za imenovanje na tražene pozicije moraju ispunjavati opće i posebne uslove.

Opći uslovi za imenovanje:

- a) da je državljanin BiH,
- b) da je stariji od 18 godina i da nije stariji od 65 godina na dan imenovanja,
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja upražnjene pozicije,
- d) da nije obuhvaćen odredbama člana IX 1. Ustava Bosne i Hercegovine,
- e) da nije osuđivan za krivična djela i za privredni prijestup i da se protiv njega ne vodi krivični postupak nespojiv sa dužnošću u Skupštini,
- f) da ne obavlja dužnost, aktivnosti ili da nije na položaju koji dovodi do sukoba interesa shodno važećim zakonima iz te oblasti
- g) da nije na funkciji u političkoj stranci shodno odredbama Zakona o ministarskim, vladinim i drugim imenovanjima FBIH,
- h) da nije lice kojem je presudom suda zabranjeno obavljati aktivnost u nadležnosti Skupštine,
- i) da ne postoje druge zakonske smetnje za obavljanje poslova u Skupštini.

Posebni uslovi za imenovanje:

- a) Visoka stručna sprema (VII stepen) odnosno visoko obrazovanje I (prvog), II (drugog) ili III (trećeg) ciklusa Bolonjskog sistema obrazovanja koji se vrednuje sa najmanje 180 ECTS bodova, društvenog ili tehničkog smjera,
- b) najmanje 5 godina radnog iskustva u struci nakon stečene visoke stručne spreme,
- c) da posjeduje rukovodne i organizacijske sposobnosti,
- d) da nema privatni, finansijski interes u Javnom preduzeću u čiju se Skupštinu kandiduje shodno odredbama Zakona o ministarskim, vladinim i drugim imenovanjima FBIH,
- e) da nije član više od jednog Upravnog odbora, Nadzornog odbora ili Odbora za reviziju.

Prednost kod imenovanja za članove Skupštine, imat će kandidati sa radnim iskustvom te ostvarenim i priznatim rezultatima iz oblasti djelatnosti preduzeća.

IV Mandat

Imenovanje članova Skupštine vrši se na period od 4 godine sa mogućnošću ponovnog izbora. Konačno imenovani imaju pravo na nadoknadu za rad u Skupštini.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



V Potrebni dokumenti

Kandidati su dužni uz **potpisanu prijavu** na Javni oglas priložiti i dokaze o ispunjavanju općih i posebnih uslova za imenovanje i to:

1. Kraću biografiju, adresu i kontakt telefon,
2. Uvjerjenje o državljanstvu (ne starije od 6 mjeseci),
3. Izvod iz matične knjige rođenih,
4. Izjava ovjerena od strane nadležnog općinskog organa da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja upražnjene pozicije,
5. Izjava ovjerena od strane nadležnog općinskog organa nije obuhvaćen odredbama člana IX 1. Ustava Bosne i Hercegovine,
6. Izjava ovjerena od strane nadležnog općinskog organa da nije osuđivan za krivična djela i za privredni prijestup i da se protiv njega ne vodi krivični postupak nespojiv sa dužnošću u Skupštini,
7. Izjava ovjerena od strane nadležnog općinskog organa da ne obavlja dužnost, aktivnosti ili da nije na položaju koji dovodi do sukoba interesa shodno važećim zakonima iz te oblasti,
8. Izjava ovjerena od strane nadležnog općinskog organa da nije na funkciji u političkoj stranci shodno odredbama Zakona o ministarskim, vladinim i drugim imenovanjima,
9. Izjava ovjerena od strane nadležnog općinskog organa da nije lice kojem je presudom suda zabranjeno obavljati aktivnost u nadležnosti Skupštine,
10. Izjava ovjerena od strane nadležnog općinskog organa da ne postoje druge zakonske smetnje za obavljanje poslova u Skupštini,
11. Diploma o završenoj VSS (VII stepen) odnosno visoko obrazovanje I (prvog), II (drugog) ili III (trećeg) ciklusa Bolonjskog sistema obrazovanja koji se vrednuje sa najmanje 180 ECTS bodova, društvenog ili tehničkog smjera. Ukoliko izvornik diplome sadrži suhi žig umjesto pečata, isto mora biti naznačeno u napomeni ovjere fotokopije dokumenta.
12. Dokaz o radnom iskustvu u struci nakon sticanja visoke stručne spreme,
13. Izjava ovjerena od strane nadležnog općinskog organa da nema privatni, finansijski interes u Javnom preduzeću u čiju se Skupštinu kandiduje shodno odredbama Zakona o ministarskim, vladinim i drugim imenovanjima FBIH,
14. Izjava ovjerena od strane nadležnog općinskog organa da nije član više od jednog Upravnog odbora, Nadzornog odbora ili Odbora za reviziju.

Napomena: Tražena dokumentacija dostavlja se u originalu ili ovjerenoj fotokopiji, ne starijoj od šest mjeseci. Dokumentacija koja se dostavlja neće se vraćati kandidatima koji su se prijavili na Javni oglas.

VI Ostale napomene

Kandidati koji ispunjavaju opće i posebne uslove biće pozvani na intervju.

Kandidati koji budu pozvani na intervju dužni su, prije intervjuja, dati podatke o ranijim poslodavcima, odnosno neposrednim rukovodiocima od kojih se mogu dobiti preporuke i informacije o kandidatu.

Kandidati koji budu pozvani na intervju dužni su u toku njegovog trajanja popuniti obrazac u kome su dužni iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Na osnovu provjere kvalifikacija i iskustva prijavljenih kandidata i obavljenog intervjuja Komisiju za provođenje postupka izbora članova Skupštine Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo, putem pisane preporuke predložit će rang listu sa najboljim kandidatima na dalji postupak i konačno imenovanje.

Odluku o imenovanju članova Skupštine donosi Općinsko vijeće na prijedlog Općinskog načelnika.

Javni oglas za podnošenje prijava ostaje otvoren 15 (petnaest) dana od dana njegovog posljednjeg objavljivanja, a objavit će se u "Službenim novinama Federacije BiH", najmanje jednom dnevnom listu koji se štampa na području Bosne i Hercegovine, web-stranici Općine Novo Sarajevo i oglasnoj ploči Općine Novo Sarajevo.

Prijave sa traženom dokumentacijom podnose se lično ili poštom preporučeno, na adresu: **Općina Novo Sarajevo, Općinski načelnik, Komisija za provođenje postupka izbora članova Skupštine Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo**, sa naznakom: **"Prijava na Javni oglas za popunu upražnjene pozicije člana Skupštine Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo " – ne otvaraj, ul. Zmaja od Bosne broj 55, Sarajevo.**

Neblagovremene i nepotpune prijave neće se uzeti u razmatranje.

Broj: 16-30-2-2978/26
Sarajevo, 31.07.2026. godine

OPĆINSKA NAČELNICA

Prof. dr. Benjamina Karić